

دارالفنون

حقوق فایز و لایحه محمد قاسم

مقوق ، اقتصادیات

ایکی آبدہ بر نشر اولنور

مندرجات

قسم مقوقی :

اسو مجره قانون مدینسنه نظراً اجاره حاجی عادل
حق مدافعه و اصول استنطاق طاهر
آلمان قانون مدینسنه کوره وراثت جودت فرید
فرانسه ده شورای دولت وصفی راشد

قسم اقتصادی :

عثمانی بانکہ سی ابراهیم فاضل
دیون عمومیہ یوکنک تخفیفی چاره لری عینی زاده حسن تحسین

ا-قانبول — یکی مطبعه

۱۹۲۶

فرانسه‌ده شورای دولت [۱]

- مابعد -

۹۱ — مسابقه ژورنالیستی بری وظیفه ریاستی ایفا ایدیه‌جك اولان اوچ شورای دولت اعضاسندن وایکی معاوندن ترکیب ایلر . بونلرک هپسینی عدلیه ناظری تعیین ایلر .

مسابقه‌نك اداره وانضباطی ژوری ریاسته عائددر . رأیلرک تساویسی حالده ، نامزدلرک تعیینی خصوصی مستثنا اولق شرطیه رئیسك رأیی مرجحدر .

شورای دولت قلمی منسوبیتندن انتخاب ایدیه‌جك برکاتب ایله برکاتب معاونی ژوری هیئته ترفیق ایدیه‌جکدر . (نظامنامه § ۸)

۹۲ — ژوری اعضاسنك مسابقه‌نك نهایته قدر موجود اولسی لازمکن مقداری اوچدن آشاغی اوله‌ماز . هر جلسه‌نك ضبطی تنظیم ایدیه‌جك و میزلدن هربری طرفندن امضاله‌جقدر . (نظامنامه §§ ۹ ، ۱۰)

۹۳ — مسابقه امتحانلری بوجه آتی موضوعلر اوزرنده اجرا ایدیلیر . (نظامنامه § ۱۱)

[۱] نومرو ۷ ده مسابقه امتحانی ایچون مراجعت ایدیه‌جك نامزدلرک قیدینه مخصوص دفترک قباغنه عائد تفصیلات سهواً اونوتیلیمش اولقله بورایه قید ایلورم :

دفترک قباغنده بوجه آتی عبارات یازلمشدر :

شورای دولتک منحل اولان ملازمک بری ایچون مسابقه امتحانی .
عدلیه نظارتک تاریخی آره‌ته‌سی .

قید دفتری

تاریخ کشادی (جریده رسمیّه ده اعلانی تاریخی)

ختم مدت فی

- ۱ — حقوق اساسیه و حقوق سیاسیه
- ۲ — فرانسه نك تشكيلات عدليه سی
- ۳ — تشكيلات و مواد اداریه
- ۴ — فرانسز قانون مدینسك اصولی
- ۵ — حقوق بین المللك اصولی
- ۶ — اقتصاد

۹۴ — امتحانلر ایکی یه آریلور . احضاری امتحان ، نهائی امتحان . هرایکی امتحانك نتایجی نامزدلرك قطعی تصدیقنده نظره آنور . (نظامنامه § ۱۲)

۹۵ — احضاری امتحان حقوق اساسیه و سیاسیه ؛ فرانسه نك تشكيلات عدليه سی و تشكيلات و مواد اداریه عائد بر موضوع اوزرینه یاییلمش تحریری بر امتحان ایله نامزدلره صوروله بیله جك موادك كافه سندن لاعلی تعیین انتخاب اولونمش بر موضوع اوزرینه شفاهی بر امتحاندن عبارتدر . (نظامنامه § ۱۳)

۹۶ — بوتون نامزدلره مشترك اولان امتحان موضوعی بوجه آتی طرزده تعیین اولونور . هیئت میزه امتحان جلسه سنده اوج سوال انتخاب ایلر ، بوسواللر برز ظرف درونته قونور و او ظرفلردن بری هیئت میزه رئیس طرفدن نامزدلرك حضورنده چکیلیر . (نظامنامه § ۱۴)

۹۷ — نامزدلر طیشاری ایله هیچ بر مناسبتری اوله میه جق طرزده بر محله قیاتیلور . و هیئت میزه رئیس طرفدن انتخاب ایله جك میزلردن بری نامزدلرك نظارت و مراقبه لرینه مأمورایدیلور . نامزدلر هیئت میزه نك مساعده ایله جكاری مجموعه قوانیدن باشقه هیچ بر کتابه مراجعت ایله مزلر . امتحان ایچون آلتی ساعتق بر مهلت ویریلور . امتحان شورای دولت اداره سی طرفدن ویریلن کاغذ اوزرینه یازیلور نامزدلر کاغذك باشه اسم و مخلصلرینی یازادلر . نامزدلر امتحانلرینی هیئت میزه کتابته تودیع ایلرلر کن کتابت دائره سی امتحان کاغدلرنده نامزدلرك اسملرینك یازلدینی محله بر نومرو قویار ! و عینی نومرویی امتحان کاغدینك دیگر بریرینه یازمق صورتیه تکرار ایلر . صوکر ا امتحان کاغدنن نامزدك اسمك محرر اولدینی کوشه یی بیرتدق بر ظرفه قویار . بویله جه امتحان کاغدینك اوزرنده یالکز کتابتك قویدینی ایکی اش نومرودن بری قالیر . دیگر یی ، بیرتیلان اسمك

یابنده در . امتحان کاغذ لریدن نومرو قونورق قویارتیلان اسملر بر ظرفه قونور وظرف مهرانور . ظرف احضاری امتحانک نهاینه وباخصوص امتحان کاغذ لرینه امتحان ایچون هیئت میزه نك ویره جکی نومرولرك قونمسنه قدر آچیلهماز (نظامنامه § ۱۵) .

۹۸ — شفاهی امتحان موضوع لرینه کلنجه هیئت میزه طرفندن نامزد عددنجه انتخاب اولونور . وبرر مهمور ظرفه وضع ایدیلور . هرنامزد برر سوال چکر وچکدیکی سوالک ظرفی اوزرینه هم هیئت میزه رئیس و همده نامزد امضالری قویارلر . صوکر ا بو ظرف نامزده امتحانه کیره جکی زماندن انحق بر ساعت اول تودیع اولونور . هرنامزد سوالی بر چاریکلک زمانده ایضاح ایلکه مجبور طوتیلدیغندن بالفرض بشنجی نامزد امتحانه امتحانک ابتداسندن اعتباراً بر ساعت صوکر ا کیره جک دیمکدر التنجی نامزد بر ساعت بر چاریک یدنجی ایسه بر بحق ساعت صوکر ا کیره جک دیمکدر . دیمک که امتحان باشلادقدن یاریم ساعت صوکر ا یدنجی نامزده چکدیکی سوالی محتوی ظرف تودیع اولونور . ونامزد یاپا یالکز بر اوطیه قانیلور وکندیسنه بر ساعت موضوع اوزرنده دوشونمک ایچون وقت ویریلور . بومدت ظرفنده نامزده بزم دستوره شیه اولان قوانین عتیقه مجموعه سنه وقانونلر مجموعه سنه باقمعه ده مساعده ایدیلور . (نظامنامه § ۱۶)

۹۹ — شفاهی امتحانک ختامی متعاقب هیئت میزه قطعی ونهای امتحانه قبول ایدیله جک نامزدلرك لیسته سنی تنظیم ایله نامزدلرك مطلع اوله بیلملری ایچون شورای دولت باش کتابته تودیع ایلر . اشبو لیسته الفباء ترتیبیه تنظیم اولونور . (نظامنامه § ۱۷)

۱۰۰ — قطعی ونهای امتحانلر هرنامزد ایچون مشترک بر موضوع اوزرینه تحریری بر امتحان ایله شفاهی بر امتحانیدن مرکبدر . (نظامنامه § ۱۸)

۱۰۱ — تحریری امتحانک موضوعی هیئت میزه طرفندن امتحان جلسه سنده انتخاب اولونور . اشبو موضوع (نومرو ۹۳ ه باقیز !) نظامنامه نك اون برنجی ماده سنده مندرج معلومات عمومیه دن برینه عائد ویا اکثریسنه متعلق مباحثدن انتخاب اولماید . برینه متعلق مباحثدن انتخاب اولدینی تقدیرده منحصرأ حقوق مدنیه ، حقوق بین الملل واقتصاد عائد اوله مز . (نظامنامه § ۱۹)

۱۰۲ — قطعی ونهای اولان تحریری امتحانده (نومرو ۹۷) ده عرض وایضاح ایدلدیکی طرزده اجرا اولونور . امتحان کاغذ لرینك باش طرفلری حاوی اولان مهمور

طرف شفاهی امتحان اول و فقط تحریری امتحان را عائد نومرولرک صورت قطعیده
تثبیت ایدلسندن صوکر آچیلیر . (نظامنامه § ۲۰)

۱۰۳ — شفاهی امتحان اوچ چاریک ساعت امتداد ایله جکدر وعلنی اوله جقدر .
مسابقه اردهسند کی صره بی طالع تعیین ایله جکدر . (نظامنامه §§ ۲۱ ، ۲۲)
۱۰۴ — امتحانلرک ختامی متعاقب هیئت میزه مسابقه نک نهایت بولدیغنی تفهیم
ایله جک ودرحال خفی اوله رق مذاکره باشلايه جقدر . اگر مسابقه نک نتیجه سی عرض
وجود ایلان نامزدلرک انتخاب و تعیینی ویا خود منحل عددینه توافق ایله جک قدر نامزد
تعیینی ممکن قلمیورسه جلسه علنیه ده بیلدیریه جکدر . (نظامنامه §§ ۲۴ ، ۲۵)

۱۰۵ — انتخاب و تعیین ایدیلن نامزدلر لیسته سنک ترتیبده امتحانده کوستردکلری
اهلیت صره سی اساس اتخاذ ایدیلیر . مساوی اهلیت کوسترمش نامزدلر بینده هیئت
میزه ایکنجی بر امتحان مباشرت ایلر شویله که : مساوی بر اهلیت کوسترمش ایکی مسابق
بردها امتحان اولونورلر . امتحان شفاهی در و § ۱۶ (نومرو ۹۸ ه باقیکنز !) دائره سنده
اجرا اولونور . بالکز هر ایکی مسابقه صوریه جق سوال عینیدر . مسابقه لک صوریه جق
سوالدن انحق امتحان ایدیه جکلری زماندن بر ساعت اول خبردار اوله بیلملری ایچون
مقتضی تدابیر اتخاذ اولونور . (نظامنامه § ۲۷)

۱۰۶ — هیئت میزه مسابقه حقنده کی تقدیر اراسی بولدیغنی محلی ترک ایتمکسزین
ودر حال اعطا ایله جکدر . هیئت میزه تنظیم ایدلیکی ضبطنامه نک زیرینی امضالیه رق صورتی
در حال رئیس جمهور وعدلیه ناظرینه تقدیم ایلر . (نظامنامه § ۲۸)

۱۰۷ — ایکنجی صنف اوتیتورلک کرک شورای دولت وظائفده کرکسه اداری
وظائفده دهایوکک موقعلره اعداد ایله جک ماهیتده تلقی اولمقددر . بو اعتبارلر
معین بر سنه عددندن فضله امتداد ایتدیریه مز . بومدت ۲۴ مایس ۱۸۷۲ قانونی ایله
۴ سنه اولمق اوزره تعیین ایدلش ایکن ۱ تموز ۱۸۸۷ قانونی سکزه ابلاغ ایلشدر . بناء علیه
سکزنه مدته ایکنجی صنفله قالمش اولان بر اوتیتورک وظیفه سی رأساً نهایت بولور [۱] .

[۱] ۲۴ مایس ۱۸۷۲ قانونی § ۵ فتره ۶

ایکنجی صنف ملازم شورای دولتک پایه نی بر نظامنامه ده تعیین ایدیه جک شکل و شرائط
دائرة سنده ایفا ایدیه جک مسابقه امتحانی ایله تعیین اولونورلر . درت سنه مأموریتده قالدیلورلر
و هیچ بر تضمینات آله مازلر .

سکر سنه مدته ایکنجی صنف اوتیتورلکده قلمش اولانلرک وظیفه لرینه رأساً نهایت ویرلمسک پک آغیر اولسی طولایسیله حکومت هر سنه هیئت وکلاده متخذ برقرار ایله بعض مأموریتلری اصغری درت سنه خدمتی اولان ایکنجی صنف اوتیتورلرک امرینه آماده قیلار و بوقرارینی کانون ثانی آبی ایچنده جریده رسمیه ایله نشر ایلر . (۱)

۱ تموز ۱۸۸۷ قانونک § ۳ تعداد ایدیلن ایکنجی صنف اوتیتورلرک تکلیف ایدیه - بيله جک اولان مأموریتلر آره سنده سفارت کاتبکنک و ملکيه مفتشکنک ادخال ایدلماش اولسنه تأسف ایدیلانلرده موجوددر .

۱۰۸ — ایکنجی صنف اوتیتورلرکده عزلی برنجی صنف اوتیتورلرک عزلی ایچون مؤسس شرائط دائره سنده ممکن اولور . یعنی اولنلرده شورای دولت هیئت اداره سنک مطالعه سی الندقدن صو کرا شخصی بر ددقره ایله عزل ایدیه بیلورلر .

اقلام

۱۰۹ — نومرو ۶۸ ده عرض ایدلدیکی اوزره شورای دولت اداری قسمی اقلامنک باشنده معاون عنوان و موقعی حائر برباشکاتب وارددر . (۲)

[ماده نك ایکنجی صنف نامزدلرک درت سنه مدته هیچ بر اجرت و آیلق آله یه جققرینی معلن اولان قسمی ۲۳ مارت ۱۸۸۰ قانونک دردنچی ماده سی ایله تعدیل ایدلشددر . مارالذکر قانون ایکنجی صنف ملازملره بر سنه ملازمتدن صو کرا قوانین مایه ایله تعیین ایدیه جک مقدار معاشه مستحق اوللرینی تأسیس ایلور الحاله هذه ۱۲ ، ۱۳ بیک کاغد فرائق آلیرلر .]

۱ تموز ۱۸۸۷ قانونی § ۱ شورای دولت ایکنجی صنف اوتیتورلرینه ۲۴ مایس ۱۸۷۲ قانونک بشنچی ماده سی التنجی فقره سیله درت سنه اولاق اوزره وظیفه لرینه تعیین ایدیلان حد سکره ابلاغ ایدلشددر .

(۱) ۱ تموز ۱۸۸۷ قانونی § ۳ هر سنه حکومت هیئت وکلاده متخذ برقرار و کانون ثانی آبی ایچنده جریده رسمیه ده واقع نشر ایله اصغری درت سنه خدمتی اولان ایکنجی صنف اوتیتورلرک امرینه آماده قلنان مأموریتلری بیلدیرر . تکلیف ایدیه جک مأموریتلر بروجه آتیدر :

« سنه » قونسه ی دو پره فکتوری نزدنده حکومت قومیسرلری

برنجی و یا ایکنجی صنف برولايتک تحریرات کتابتی

برنجی و یا ایکنجی صنف قائممقاملق

ایکنجی صنف بر محکمه ده مدعی عمومی معاونی

(۲) ۲۴ مایس ۱۸۷۲ قانونی § ۱ فقره ۳ و ۴ شورای دولت اقلامنک باشنده بر باش کاتب بولونور . باش کاتب معاون عنوان و موقعی

حائزدر . محاکم دائره سنه خصوصی برکاتب الحاق ایدیلیر .

محاکم دائرہ سی ایچون خصوصی برکاتب واردر .
 وینہ عینی نومرودہ عرض اولونیدیغی وجهله شورای باش کاتبی و محاکم دائرہ سی کاتبی
 رئیس جمهور طرفندن تعیین اولونورلر و آنجق شخصی برده قره ایله عزل ایدیلہ بیلورلر .
 کرک باشکاتبک کرکه محاکم دائرہ سی کاتبک تعیینی ایچون رئیس ثانی ایله دوائر
 رؤسای نامزد اراده ایدرلر . (۲۴ مایس ۱۸۷۲ قانونی § ۵)
 ۱۱۰ — اقلام کتبہ سی ایسه باشکاتبک تکلیفی اوزرینہ رئیس ثانی طرفندن تعیین

اولونورلر . (۲۴ مایس ۱۸۷۲ قانونی § ۵)
 ۱۱۱ — شورای دولت اقلامی I باش کاتب II محاکم دائرہ سی کاتبی III دوائر
 کاتبندن عبارتدر . (۲۷ قانون § ۱۹۱۸ آرہتہ سی § ۱)
 ۱۱۲ — باشکاتب خدماتی اوج شعبہ ایله خدمات خصوصیه منقسمدر . برنجی
 شعبہ ، مخبرات عمومیه ، امور ذاتیہ ، محاسبہ ، ہیئت عمومیه ضبطنامہ لری طبع ، توزیع ،
 ملازملر ایچون مسابقہ امتحانی ، کتبہ مسابقہ و امتحانی معاملاتی ایله متوغلدر .
 ایکنجی شعبہ پانیون و امور اداریہ نک قیدی ، دوسیه لک صلاحیتدار ناظرلرہ اعادہ سی
 ایله وظیفہ داردر .

اوجنجی شعبہ ایسه دیگر شعبہ لرہ عائد اولمایان بالجلہ ہیئت عمومیه و یا دائرہ لردن
 صادر اولمش قرارلک قوبہ سی ایله ہر درلو ضبطنامہ ، وثائق قوبہ سی چیقارمق ایشلریلہ
 اوغراشیر .

خدمات خصوصیه :

۱ — کتبخانہ و آرشیو

۲ — خدمات داخلہ

۳ — استہ نوغرافی

خدمت لردن عبارتدر . (۲۷ قانون اول ۱۹۱۸ آرہتہ سی § ۱)

۱۱۳ — اک اوفق درجہ دہ کی کاتب expéditionnaires اسمنی طاشیر و امتحانلہ
 تعیین اولونور . اسکی کوچک ضابطلرک قانوناً حائز اولدقلری حق تعیین محفوظدر .
 بونلرک اعدادی مأذونی بیلہ اولملری شرط دکلدر . حرب عمومیدن بری حرب معلوللرینہ
 تخصیص ایدلشددر . اکسپہ دیسیونہ لرلر ارہ سندن اصغری اوج سندہ نبری بوصفتلہ ایفای

ماموریت ایلیانلرندن سربست بر صورتده (بلا امتحان) ترفیع ایدیلر. commis d'ordre et de comptabilité اسمنی طاشیرلر. اک بویوک درجه‌ده کی کاتب Rédacteurs (مسود) اسمنی طاشیر و مطلقا امتحانله تعیین اولونور. منحل مسودلرکک یاریسنه، مکتب حقوقدن لیسانسیه شهادتنامه‌سی حائز مسابقلر میانندن انتخاب اولونور. نصف دیکرینه اقلی اوج سنه‌دنبری خدمتده بولونان هر هانکی درجه‌ده کی کاتبلردن امتحانی قازانانلر میانندن انتخاب ایله تعیین ایدیلر. بلا امتحان ترفیع ایلمش کیمسه ایکنجی برتر فیه مدعی و مستحق اوله میه جغندن (قومی) لرده اکسپه‌تیسونه‌رلرله برلکده امتحانله کیررلر. مسودلر اقلام صوشنی اولنورده دوائرکابی و باشکتاب بوروسی شفی اولورلر. مسودلردن بریسک دوائر کتابته تعیینی ایجاب ایدرایسه شورای دولت رئیس ثانی سنک دوائر رؤسایله مذاکره‌سندن صوکر اصرغری حق تقاعدیه بی بخش ایلیان ۱۲ سنه‌ک خدمتده بولونان مسودلردن بری انتخاب اولونور.

آرشیویست اولان کتبخانه مأموری ایله استه‌نوغرافلر (که هیئت عمومیّه مذاکراتی ضبط ایدرلر.) بلا امتحان تعیین ایدیلر. (۲۱ کانون اول ۱۹۱۸ آرته‌سی § ۴) ۱۱۴ — فرانسز و مدنی و سیاسی حق‌لرینه مالک اولمایان، اخذ عسکر قانوننک ایجاباتی ایفا ایلمش بولونمایان، یکریمی یاشندن دون و اوتوز یاشندن افزون بولونان کیمسلر شورای دولت دوائر و اقلامنده استخدام ایدیلر. استه‌نوغرافلر ایچون سن حد انتهایی اوتوز بشدر.

تعیین ایدیلن سن حدودی مقدما ایفا ایلمش اولان و تقاعده حق ویرن عسکری و مدکی خدمتلر مدتیجه توسیع ایدیلر. (۲۷ کانون اول ۱۹۱۸ آرته‌سی § ۳) ۱۱۵ — شورا باشکابی عینی زمانده اقلام مستخدمینک ده آمریدر. مباشر و مستخدمینی ایسته‌دیکی کبی متعدد خدمات اره‌سنده تقسیم ایلر.

کاتبلرک متعدد خدماتی تقسیم‌لرینه ایسه رئیس ثانی صلاحیتداردر. رئیس ثانی صلاحیتی باشکاتبک تکلیفاتی اوزرینه استعمال ایلر. (۲۷ کانون اول ۱۹۱۸ آرته‌سی § ۲) ۱۱۶ — شورای دولت مأمورین اقلامی ایله دیکر دوائر دولت مأمورینی اره‌سنده بجایش جائزدر. بجایش طریقیله شورا مأمورین اقلامندن برینک رینه کلن مأمور اولنک لوحه‌ده موقع و صنفی احراز ایلر و سلفنک اسمنک قید ایدلدیکی بره قید اولونور. فقط بجایش طریقیله کلن مأمورله شورانک اسکی مأمورلری اره‌سنده درجه و معاشجه مساوی

بولوناندر اولوریه بجایش طریقله کان مأمور مطلقا کنديسیله درجه و معاشجه مساوی اولان اسکی مأمورلردن صو کرا قید اولتیلیدر. (۲۷ کانون اول ۱۹۱۸ آرده سی § ۵) ۱۱۷ - شورای دولت کاتبلری اولان نوع استعماللرینه کوره ایریلیر. صو کرا هر غروپده کی کاتبلر مأموریتلرنده کی قدمه کوره (عند الاقتضا اوندن اولکی مأموریتلرنده کی قدمه نظر اعتباره آلنور) تصدیف ایدیلیرلر.

کاتبلرک لوحه سی تشکیل ایدن بو تصدیفده مأمورک اسمی، تاریخ تعیینی، مدت خدمتی، صنفی و معاشی یازیلیر.

لوحه باشکتاب دائره سنده مراجعتلره کشاده بولونور. (۲۷ کانون اول ۱۹۱۸ آرده سی § ۶)

بالفرض باشکتاب خدمات عمومیه سی غروپنه باش کاتب قید اولونور. بورو شفلی غروپنه اقلام رؤسای قید اولونور. بورو صو شفلی غروپنه اقلام رؤسا معاونلری کچیریلیر الخ...

۱۱۸ - شورای دولتک هر دائره سی نزدنده بر قلم وارددر. بوقلامک وظیفه سی مربوط اولدینی دائره یه عائد اوراقل قبول وقیدلری ایله دائره ضبطلرینک تنظیمی در. ۱۱۹ - شورای دولت سالنامه سندن استخراج ایلدیکم آتی الذکر لوحه ایله شورای دولت اقلامک طرز تشکلی دها شکلی بر طرزده عرض ایلیم.

موسیو فلیکس لامی (لژیون دونوردن حائر اولدینی رتبه) معاون، باشکاتب، اقامتگاه.

موسیوس (حائر اولدینی نشانک رتبه سی) محاکم دائره سی کاتبی امتگاهی.

I

باش کتابت

مخابرات عمومیه - امور ذاتیه - محاسبه - قید - اداری مسائلک تشیتی - هیئت عمومیه ضبطلری - طبع - توزیع - ملازملر مسابقه سی - مسودلاک، قومی دورتر نه دو قونتابیلته مسابقه و امتحانی.

موسیو شارل بالپ (نشانی) خدمت آمری اقامتگاهی.

موسیو هاری لافردسنه (نشانی) بوروصوشنی اقامتگاهی. [۱]

[۱] M. Henri La fresné اقلامک طرز تشکیلات و مساعیسنه وقوف پیدا ایلکاکمه دلالات ایلش اولملرندن طولایی کندیله رینه برچوق تشکر بورجلیم.

II

محاکم دائره‌سی کتابتی [۲]

بش ذاتن مرکبدر . بری محکمه کتابتک آمریدر ایکیسی صوشفدر . دردنجیسی
دردنجی قومیتنک بشنجیسی برنجی قومیتنک کاتبدر .

محاکم دائره خصوصیه‌سی

درد ذاتن مرکبدر .

III

شورای دولت دائره‌لری کتابتلی

موسیو ۱ . تنظیمات دائره‌سی کتابتی اقامتگاهی

» » » موسیو ۲ . داخله

» » » موسیو ۳ . مالیه

» » » موسیو ۴ . نافع

باش کتابت دائره‌سی وظائفندن بعضیلری

۱۲۰ — آ — امور ذاتیه — شورای دولت اعضالرینک سجلی بر استدعا کلغدی

بیوکلکنده برکاغد اوزرینه قید ایدیلیر بوجه آتی شکله‌در .

موسیو سی

محل ولادت

تاریخ ولادت

تاریخی	آیین ایدلمشدر
ده قره ایله (بالمسابقه) ایکنجی صنف ملازم	»
تاریخنده وظیفه‌یه ابتدار ایلشدر	»
ده قره ایله برنجی صنف ملازم	»
تاریخنده وظیفه‌یه ابتدار ایلشدر	»
ده قره ایله معاون	»
تاریخنده وظیفه‌یه ابتدار ایلشدر	»
ده قره ایله شورای دولت اعضالغنه	»
تاریخنده وظیفه‌یه ابتدار ایلشدر	»

[۲] محاکم دائره‌سندن بحث ایلرکن عرض ایله‌جه‌کم .

سېچل دوسىلەرنىڭ قولايلىقى بولۇشى ئۈچۈن ھەشۇمىزكە ئارقەسىدە دوسىلەرنىڭ
اسمى يازىلىشىدۇر .

ب (قىد مەملىسى

قىد سىرە نومۇرىسى	تارىخى ۋەزود	دوسىلەرنىڭ عددى	نەزەرتلەر	مەسئەلەنىڭ خۇلاسەسى	امىتالار
					داۋىرە كاتىپلىرى دو - سىيەلىك ئالدىنقى زىمان بۇرۇپە ئامىتاللىرى قۇبۇرلار

ئىلىك دىقە ئولەرق شۇراي دولەتە كىلن ئوراق سىيە مەركەب ئىلە قىد اولنور .
ئىككىنچى دىقە كىلن ئوراق قىرەزى مەركەبە قىد اولنور . شەيد قىرەزى مەركەبە قىد
ئىلىك اولنوتولۇرسە قىدك ئالتى قىرەزى قورشۇن قىل ئىلە چىزىلىر . ئىككىنچى دىقە كىلن
ئوراق ئىككى نومۇرىي ئالىر .

۷ (قىد . شۇرايە مودوع ھەمىشەلىك بىر قىشى ۋاردىر . بالقرىض نۇمۇنە ئولەرق
جىزائىر

صانەدە ۸ سەت

۲۳ نىسان ۱۹۱۹ قانۇننىڭ جىزائىرە تىطىق

دە . لا .

۱۲ شىباط ۱۹۲۵ (مەزاكە نومۇرى ۳۱) خىفە ۴۹

دە . لا . شۇرئانك ھەزىرلەيدىغى دەقەرنىڭ لايىھەسى دىمكىدەر . ۱۲ شىباط ۱۹۲۶
لايىھەنىڭ ھىت ئومۇمىيەدە مەزاكەسى تارىخىدەر . (مەزاكە نومۇرى ۳۱) ھىت ئومۇمىيە
استەنۇغىرائى خىطلىرىنىڭ ۳۱ نىچى خىفەسى دىمكىدەر . استەنۇغىرائىيە ئىدلىمىن احوالە
بۇر بوش براقىلىر . خىفە ۴۹ ھىت ئومۇمىيەنىڭ مەزاكەسى استەنۇغىرائىدىن تىرجە تىرىقىلە
بىردىقەرە قىد اولنور . اودىقەرنىڭ ۴۹ نىچى خىفەسى دىمكىدەر .

فیشک (بزم یازیمزه کوره) صاغ کوشه سنه مائلا نومرو قونور . (۱) بو نومرو
فیش نومروسیدر . لایحه ده قره حالی آلیر آلاز فیشک بالاسنه قرمری مرکبه قانونیت
کسب ایلدیکی تاریخ ایله جریده رسمیه ده انتشار تاریخی قید ایدیلیر ومثلزده کی فیش
شوشکلی آلیر .

۱۸۷۸۵۲	۱۱ مارت ۱۹۲۵ ده قره سی
الی ۱۸۷۸۵۵	۱۲ مارت ۱۹۲۵ جریده رسمیه ده انتشار تاریخی
جزائر	
۲۳ نیسان ۱۹۱۹ قانونک	
صنایعه ۸ ساعت	
جزائرده تطبیق	
ده . لا .	
۱۲ شباط ۱۹۲۵ (مذاکره . نومرو ۳۱) صحیفه ۴۹	

۱۲۱ — اکر مسئله نك مذاکره سنه حکومت قومیسر لرندن برکیمسه ده اشتراك
ایلمش ایسه قومیسرک اسم و عنوان مأموریتی ده اشتراك دعوت ایدلمش اولسی قیدیه
علاوه اولنور .

۱۲۲ — شورای دولت هیئت عمومیه سنده بالذاکره قبول ایدیلن لایحه لرك صورتی
چیقارتیلدقدن صوکرآ آلتنه

(۱) فیش بر دانه ایسه نومرو برر دانه در . صنایعه عائد ۸ ساعتق مساعی قانونک جزائر
طرز تطبیقنه عائد فیش مثال اوله رق انتخاب ایدلمش اولسندن بوفیشده کی معلومات آیریجه علی طلاق
صنایعه عائد ۸ ساعتک مساعی قانوننه مختص فیشده کچیرلمش اوله جفندن او فیشک ویا فیشلرك
نومرو ویا نومرولری ده علاوه ایدیلیر . بناء علیه مثلزده کی فیشک برقاچ نومروسی واردر . او
نومرولر بوجه آتی طرزده یازلشدیر

۱۸۷۸۵۲

الی ۱۸۷۸۵۵

شېۋە قىزە لايىھىسى شۇراي دولەتكە تارىخىي جەلەپىندە مەزكۇرە لايىھە
 رەقبول ايدىلىشىدۇر .

شوراي دولت رەئىس ئاينىسى

راپورتور

شوراي دولت معاوئىلرەندىن شورا باشكەتچى

عبارىسى يازىلىر وعائىد اولدىنى نظارتە تەقدىم اولغور .

۱۲۳ — شوراي دولتە كوندريلىن دوسىلەرك اوزرىنە تارىخ ورودى مەلن بىر تىمغا
 اورولور . اوتىغانك ورولدىنى مەلە مسئلەك ختام تەدقىقەندىن صوكراشو جەلەلر يازىلىر :

مسئە شورا لىقەيت ئعمومەپىندە تەقدىم ايدىلىشىدۇر .

دە قىزە لايىھىسى

شورا دائىرە رەئىسى

راپورتور

كاتب

شورى دولت طرفەندىن

تارىخىندە رەقبول ايدىلىشىدۇر .

شورا باشكەتچى

۱۲۳ - اخذ عسکر قانونی احکامی موجب چه تعیین ایدیلن کوچک ضابطلردن باشقه هیچ برکیمسه بر سنه استاز یامدن اول نه اکسپه دیسیونه نه ده مسود اوله بیلور . کرک اکسپه دیسیونه و کرک مسود اوله حق کیمسه لر بر سنه مدته استاز یاپارلر . اشبو ملازمت دوره سنده اکسپه دیسیونه استازیه لرلی سنوی ۴۰۰۰ و مسودلک استازیه لرلی ۶۰۰۰ فرائق اجرت آلیرلر . اشبو اجرتدن تقاعدیه کیسلمز سنه نك ختامنده باشکاتب شورا رئیس تانیسنه استازیه لرلک طرز مساعی و حرکاتری خقنده بر راپور تقدیم ایلر . مارالذکر راپوره نظراً استازیه لرلک اکسپه دیسیونه و یا مسود اوله رق تعینلرینه محل وار ایسه شورا رئیس تانیسی منسوب اولدقلری غروبك صوك صنفه تعیین ایلر . تعیین ایدیلان استازیه لرلک درحال خدمتلینه نهایت ویریلیر .

فقط امتحانله مسود اولان اکسپه دیسیونه لر استازه تابع طوتیلمز لر . داخل اوله جقلری صنف ده ، اکسپه دیسیونه بولونورکن آلدقلری معاشه مساوی معاشك تقابل ایلدیکی و یا همان فوق بولونان صنفدر .

استاز سنه سی هر ترفیع صنف ایچون مقتضی ایکی سنه لك مدته داخل ایدیلیر .

۱۲۴ - دعاوی دائره سی کاتبی ، باشکاتب سرویسی شفی ، دائره کاتبلیری

فوق العاده صنف	۱۸,۰۰۰ فرائق
» برنجی	» ۱۷,۰۰۰
» ایکنجی	» ۱۶,۰۰۰
» اوچنجی	» ۱۵,۰۰۰
» دردنچی	» ۱۴,۰۰۰

بورو صو شقلری ، حافظ کتب - آرشیویست ، لوازم مدیری

فوق العاده صنف	۱۴,۰۰۰ فرائق
» برنجی	» ۱۳,۰۰۰
» ایکنجی	» ۱۲,۰۰۰
» اوچنجی	» ۱۱,۰۰۰

باشلیجه مسودلر

برنجی	صنف	۱۱,۰۰۰	فرانق
ایکنجی	»	۱۰,۰۰۰	»
اوچنجی	»	۹,۰۰۰	»

مسودلر واسته نوغراف مسودلری

برنجی	صنف	۸,۰۰۰	فرانق
ایکنجی	»	۷,۰۰۰	»
اوچنجی	»	۶,۰۰۰	»

قومی دورتر و دو قونتا بیلته

فوق العاده صنف	۱۰,۰۰۰	فرانق
برنجی صنفک باشلیجه لری	۹,۰۰۰	»
ایکنجی	۸,۱۰۰	»
اوچنجی	۷,۲۰۰	»
برنجی صنف	۶,۳۰۰	»
ایکنجی	۵,۴۰۰	»
اوچنجی	۴,۵۰۰	»

اکسپه دیسمیه نه رلر

برنجی صنفک باشلیجه لری	۷,۰۰۰	فرانق
ایکنجی	۶,۵۰۰	»
اوچنجی	۶,۰۰۰	»
برنجی صنف	۵,۵۰۰	»
ایکنجی	۵,۰۰۰	»
اوچنجی	۴,۵۰۰	»
دردنجی	۴,۰۰۰	»

۱۲۵ — تعینداری شورای دولت رئیس ٹائیسنه عائد اولان مأمورینک معروض
قالہ بیلہ جکری اداری مجازات بروجه آتیدر :

۱ — اخطار

۲ — توبیخ

۳ — تزییل صنف

۴ — اخراج

ایک ایکی برنجیسی باشکاتبده رأساً اجرا ایدہ بیلیر فقط اوچنجی ودردنچی طرز
تقدیری باشکاتبک مطالعہ سی آلدقندن ومأمورک مدافعہ سی استماع اراندقندن صوکرار رئیس
ثانی طرفندن اصدار ایدیلہ بیلور .

۱۲۵ — اداری بر جزایہ معروض قالان مأمورہ ، معین بر مدت ظرفندہ شخصاً
وصورت محرمانہ دوسیه سنہ اطلاع ایدیلہ بیلیمک صلاحیتی حائر اولدینی بیلدیریلیر .

شورای دولت مستخدمینی

شف سوروه بیان

— ۱۲۶

برنجی صنف ۷,۰۰۰ فرائق

» ۶,۵۰۰ » ایکنجی

» ۶,۱۰۰ » اوچنجی

» ۵,۷۰۰ » دردنچی

» ۵,۳۰۰ » بشتنجی

» ۴,۹۰۰ » آلتنجی

» ۴,۵۰۰ » یدنجی

مباشر ، قبوجی ، اوطہ جی وخدمتکارلر

برنجی صنف ۵,۲۰۰ فرائق

» ۵,۰۰۰ » ایکنجی

» ۴,۸۰۰ » اوچنجی

دردنجی صنف ۴,۶۰۰ فرائق

» ۴,۴۰۰ » بشنجی

» ۴,۲۰۰ » التنجی

» ۴,۰۰۰ » یدنجی

» ۳,۸۰۰ » سکرنجی

چاشیرجی

برنجی صنف ۴,۲۰۰ فرائق

» ۴,۰۰۰ » ایکنجی

» ۳,۸۰۰ » اوچنجی

۱۲۷ — چاشیرجی اجرتندن تقاعديه توقیف ایدلمز . حقنده عمله و چفتجیلرک تقاعديه سنه عائد قانون احکامی تطبیق ایدیله بیامک ایچون عدلیه ، مالیه و مظاهرت اجتماعیه ناظرلرینک امضالرینی حاوی برده قره لازمدر .
یالکز چاشیرجی دائره ده اسکان ایدیلیر ایسه اجرتندن ماهیه ۲۰۰ فرائق توقیف اولونور .

۱۲۸ — ترفیعلر بودجه نك امكانی داخلنده ایفا اولونور . و مأمورین موجوده نك صنفله طرز تقسیمی او طرزده ایفا اولمیلدرکه ویریه جک معاشات جمعاً یکون بودجه ایله تعیین ایدیلن مقداری بر صورتله تجاوز ایتمش اولمالیدر .

شورای دولت آووقاتلری

۱۲۹ — شورای دولت نزدنده اجرای وکالته مأذون اولان آووقاتلر منحصرأ محکمه تمیزده اجرای وکالته مأذون اولان محامیلدر . اوروپاده محکمه تمیزک آیری بر باروسی وارددر .
پنمدی
وصفی راشد

